

玉函山房輯佚書

玉函山房輯佚書目

卷四

經編易類

周易荀氏注三卷 後漢荀爽

周易陸氏述三卷 後漢陸績

周易荀氏注三卷後漢荀爽撰荀字慈明潁川潁陰人官至司空事蹟具後漢書本傳易本費氏荀悅稱叔父故司徒爽著易傳據爻象承應陰陽變化之義以十篇之文解說經意由是充豫之言易者咸傳荀氏學隋志十一卷唐志十卷今佚惠氏棟易漢學列荀慈明一家而佚文不具載張氏惠言輯荀氏九家佚文具載而雜入九家中今特別出爲三卷鄒湛曰易箕子之明夷荀爽訓箕爲蓍詁子爲滋漫衍無經不可致詰程迥曰荀爽於說卦添物象以足卦爻查

元章謂不須添添亦不盡不知箕子之義取蜀趙賓
傳孟喜之說也八卦逸象費氏古文有之三家脫佚
耳荀傳費學參用孟氏正其篤古之深非有所失況
陰陽升降洞見本原虞仲翔稱潁川荀誥號爲知易
且謂馬融有俊才解釋復不及之亦何可淺窺虛擬
妄生詆訾耶歷城馬國翰竹吾甫

周易荀氏注卷上

漢荀爽撰

周易上經

乾

九三君子終日乾乾夕惕若厲无咎

日以喻君謂三居下體之終而爲之君承乾行乾

故曰乾乾夕惕以喻臣謂三臣於五則疾修柔順

危去陽行故曰无咎

李鼎祚集解

萬物資始

謂分爲六十四卦萬一千五百二十冊皆受始於
乾也冊取始於乾猶萬物之生本於天集解易義
海

大明終始

乾起坎而終於离坤起於离而終於坎离坎者乾
坤之家而陰陽之府故曰大明終始也集解

六位時成

六爻隨時而成乾

滑龍勿用陽在下也

氣微位卑雖有陽德潛藏在下故曰勿用也

見龍在田德施普也

見者見居其位田謂坤也二當升坤五故曰見龍
在田大人謂天子見據尊位臨長羣陰德施於下
故曰德施普也

或躍在淵進无咎也

乾者君卦四者陰位故上躍居五者欲下居坤初
求陽之正地下稱淵也陽道樂進故曰進无咎也
飛龍在天大人造也

飛者喻无所拘天者首事造制大人造法見居天

位聖人作而萬物覩是其義也

並集解

利者義之和也

陰陽相和各得其宜然後利矣

集解

君子體信足以長人

陸德明釋文體仁京房荀爽董過本作體信

利之足以和義

釋文孟喜京荀陸績作利之

貞者事之幹也

陰陽正而位當則可以幹舉萬事

集解

庸言之信

處和應坤故曰信

德博而化

處五據坤故德博羣陰順從故物化也

脩辭立其誠所以居業也

脩辭謂終日乾乾立誠謂夕惕若厲居業謂九三也

九四或躍在淵无咎何謂也子曰上下无常非爲邪也進退无恒非離羣也

乾者君卦四者臣位也故欲上雖居五下者當下

居坤之初得陽正位故曰上下无常非爲邪也進
謂居五退謂居初故進退无恒非離羣也

水流溼火就燥

陽動之坤而爲坎坤者純陰故曰溼也陰動之乾
而成离乾者純陽故曰燥也

雲從龍風從虎

龍喻王者謂乾二之坤五爲坎也虎喻國君謂坤
五之乾二爲巽而從三也三者下體之君故以喻
國君

本乎天者親上

謂乾九二本出於乾故曰本乎天而居坤五故曰親上

本乎地者親下

謂坤六五本出於坤故曰本乎地降居乾二故曰

貴而无位

在上故貴失位故无位

賢人在下位而无輔是以動而有悔也

謂上應三三陽德正故曰賢人別體在下故曰在下位兩陽无應故无輔升極當降故有悔以御天也

御者行也陽升陰降天道行也

雲行雨施天下平也

乾升於坤曰雲行坤降於乾曰雨施乾坤二卦成雨既濟陰陽和均而得其正故曰天下平

潛之爲言也隱而未見行而未成是以君子弗用也隱而未見謂居初也行而未成謂行之坤四陽是

陰位未成爲君乾者君卦也不成爲君故不用也
夫大人者與天地合其德

與天合德謂居五也與地合德謂居二也

與日月合其明

謂坤五之乾二成商商爲日乾二之坤五爲坎坎
爲月

天且弗違況於人乎況於鬼神乎

人謂三神謂天鬼謂地也

亢之爲言也知進而不知退知存而不知亡知得而

不知喪

陽位在五今乃居上故曰知進而不知退也在上
當陰今反爲陽故曰知存而不知亡也得謂陽喪
謂陰

其唯聖人乎知進退存亡而不失其正者其唯聖人
乎

進謂居五退謂居二存謂五爲陽位亡謂上爲陰
位也再出聖人者上聖人謂五下聖人謂二也並

上

坤

利西南得朋東北喪朋

陰起於午至申三陰得坤一體故曰西南得朋陽

起於子至寅三陽喪坤一體故東北喪朋

集解虞氏引

含宏光大品物咸亨

乾二居坤五爲含坤五居乾二爲宏坤初居乾四

爲光乾四居坤初爲大也天地交萬物生故咸亨

六二直方大不習无不利

大者陽也二應五五下動之則應陽出直布陽于

四方物唱乃和不敢先有所習陽之所唱從而和之无不利也

上六龍戰于野

消息之位坤在亥下有伏乾爲其兼于陽故稱龍也

坤至柔而動也剛至靜而德方

純陰至順故柔也坤性至靜得陽而動布於四方也

坤道其順乎承天而施行

承天之施因四時而行之也

並集解

由變之不早變也

釋文由辨荀作變

易曰履霜堅冰至蓋言順也

霜者乾之命令坤下有伏乾履霜堅冰蓋言順也

乾氣加之性而堅象臣順君命而成之

集解

直方大不習无不利則不疑其所行也

直方大乾之唱也不習无不利坤之和也陽唱陰

和而无所不利故不疑其所行也

集解

陰雖有美含之以從王事弗敢成也

周易荀氏注

卷上

七 鄭玄補校

周易

六三陽位下有伏陽坤陰卦也雖有伏陽含藏不

顯以從王事要待乾命不敢自成也

集解義海

易曰括囊无咎无譽蓋言謹也

六四陰位迫近於五雖有成德當括而囊之謹慎

畏敬也

集解

陰凝於陽必戰爲其兼于陽也

釋文陰疑荀虞姚信蜀才本作凝嫌荀虞

陸董故稱龍焉猶未離其類也故稱血焉夫立黃者

天地之雜也天立而地黃

實本坤卦故曰未離其類也血以喻陰順陽也消

息之卦坤位在亥下有伏乾陰陽相和故言天地之雜也天者陽始於東北故色玄也地者陰始於西南故色黃也

集解

屯

動乎險中大亨貞

物難在始生此坎卦也案初六升二九二降初是剛柔始交也交則成震震爲動也上有坎是動乎險中也動則物通而得正故曰動乎險中大亨貞也

集解

雷雨之動滿形

集解曰今本形訛盈

雷震雨潤則萬物滿形而生也

天造草昧宜建侯而不寧

謂陽動在下造生萬物于冥昧之中也天地初開世尚屯難震位承乾故宜建侯動而遇險故不寧也

象曰雲雷屯君子以經綸

屯難之代萬事失正經者常也論者理也君子以經綸不失常道也

雖盤桓志行正也以貴下賤大得民也

盤桓者動而退也謂陽從二動而退居初雖盤桓得其正也陽貴而陰賤陽從二來是以貴下賤所以得民也

六二屯如逴如

陽動而止故屯如也陰乘於陽故逴如也

並同上

蒙

蒙亨以亨行時中也

此本艮卦也案二進居三三降居二剛柔得中故

能通發蒙時令得時中矣故曰蒙亨以亨行時中

也

集解

童蒙求我志應也

二與五志相應也

再三瀆瀆則不告瀆蒙也

再三謂三與四也皆乘陽不敬故曰瀆瀆不能尊

陽蒙氣不除故曰瀆蒙也

六五童蒙吉象曰童蒙之吉順以巽也

順于上巽于二有似成王任用周召也

並同上

需

九二需于沙小有言終吉象曰需于沙衍在中也雖小有言以吉終也

二應于五水中之剛故曰沙知前有沙漠而不進也體乾處和美德優衍在中而不進也二與四同功而三據之故小有言乾雖在下終當升上二當

居五故終吉也

集解

九三需于泥致寇至

親與坎接故稱泥須止不進不取于四不致寇害

九五需于酒食貞吉

五互離坎水在火上酒食之象需者飲食之道故坎在需家爲酒食也雲須時欲降乾須時當升五有剛德處中居正故能帥羣陰舉坎以降陽能正居其所則吉故曰需于酒食也

上六入于穴有不速之客三人來敬之終吉象曰不速之客來敬之終吉雖不當位未大失也

需道已終雲當下入穴也雲上升極則降而爲雨故詩云朝隤于西崇朝其雨則還入地故曰入于

穴雲雨入地則下三陽動而自至者也三人謂下
三陽也須時當升非有召者故曰不速之客乾升
在上君位以定坎降在下當循臣職故敬之終吉
也上降居三雖不當位承陽有實故終吉无大失

矣

並同上

訟

有孚

陽來居二而孚于初故訟有孚也

集解

利見大人尙中正也不利涉大川入于淵也

二與四訟利見于五五以中正之道解其訟也陽來居二坎在下爲淵

象曰天與水違行訟

天自西轉水自東流上下違行成訟之象也

不克訟歸逋竄也

三不克訟故逋而歸坤稱邑三百邑中之陽人逋逃也謂逃失邑中之陽人

自下訟上患至掇也

下與上爭卽取患害如拾掇小物而不失也坤有

三爻故云三百戶无管二者下禮之君君不爭則
百姓无害矣

上九或錫之鞶帶終朝三褫之

三四爭三三本下體取之有緣或者疑之辭也以
三錫二于義疑矣爭疑之世分理未明故或以錫
二終朝者君道明三者賜功成也君明道盛則奪
二與四故曰終朝三褫之也鞶帶宗廟之服三應
于上上爲宗廟故曰鞶帶也

並同上

師

彖曰師衆也貞正也能以衆正可以王矣

謂二有中和之德而據羣陰上居五位可以王矣

王三錫命懷萬邦也

王謂二也三者陽德成也德純道盛故能上居王

位而行錫命羣陰歸之故曰王三錫命懷萬邦也

六四師左次无咎

左謂二也陽稱左次舍也二與四同功四承五五

无陽故呼二舍於五四得承之故无咎

六五田有禽利執言无咎長子帥師弟子與尸凶

田獵也謂三帥帥禽五五利度二之命執行其言
故无咎也

象曰長子帥師以中行也

長子謂九二也五處中應二二受任帥師當上升

五故曰長子帥師以中行也

並集解

上六大君有命開國承家

大君謂二師旅已息既上居五當封賞有功立國

命家也開國封諸侯承家立大夫也

集解○義海引云二上居

五當

封賞

比

後夫凶其道窮也

後夫謂上六逆禮乘陽不比聖王其義當誅故其

道窮凶也

集解○義海引無末句

初六有孚比之无咎有孚盈缶終來有它吉象曰比之初六有它吉也

初在應外以喻殊聖王之信光被四表絕域殊俗皆來親比故无咎也缶者應內以喻中國孚既盈滿中國終來及初非應故曰它也象云有它吉者

謂信及非應然後吉也

上六比之无首凶象曰比之无首以大終也

陽欲无首陰以大終陰而无首不以大終故凶也

小畜

自我西郊施未行也

體兌位秋故曰西郊也時當收斂臣不專賞故施

未行喻文王也

六四有孚血去惕出无咎象曰有孚惕出上合志也

血以喻陰四陰臣象有信順五惕疾也四當去初

疾出從五故曰上合志也

履

彖曰履柔履剛也

謂三履二也二五无應故无元以乾履兌故有通
六三履二非和故云利貞也

初九素履往无咎象曰素履之往獨行願也

初九者潛位隱而未見行而未放素履者謂布衣
之士未得居位獨行禮義不失其正故无咎也

並集

解

上九視履考詳

詳審也

吳以道古易

泰

象曰天地交泰

坤氣上升以成天道乾氣下降以成地道天地一

氣若時不交則爲閉塞今既相交乃通泰

集解

后以裁成天地之道

釋文財成荀作裁

用馮河不遐遺朋行得向于中行

陽性欲升陰性欲承馮河而上不用舟航自地升

天道雖遠遼遠三體俱上不能止之故曰不遐遺中
謂五坤爲朋朋亡而下則二尙居五而行中和矣

集解

否

初六拔茅茹以其彙貞吉亨

拔茅茹取其相連彙者類也合體同包謂坤三爻
同類相連欲在下也貞者正也謂正居其所則吉

也

集解

六二包承小人吉大人否亨

二與四同功爲四所包故曰包承也小人三也謂一爻獨居間象相承得繫於陽故吉也大人謂五乾坤分體天地否隔故曰大人否也二五相應否義得通故曰否亨矣

六三包羞象曰包羞位不當也

卦性爲否其義否隔今以不正與陽相承爲四所包違義失正而可羞者以位不當故也

象曰有命无咎志行也

謂志行於羣陰也

其亡其亡繫于包桑

陰欲消陽由四及五故曰其亡其亡謂坤性順從不能消乾使亡包者乾坤相包也桑者上元下黃以象乾坤也乾職在上坤體在下雖欲消乾繫其本體不能亡也

並同上

同人

象曰天與火同人

乾舍于离相與同居故曰同人也

集解

六二同人于宗吝

宗者衆也三據二陰二與四同功五相應初相近
上下衆陽皆欲與二爲同故曰同人于宗也陰道
貞靜從一而終今宗同之故吝也集解
大有

象曰火在天上大有

謂夏火王在天萬物並生故曰大有集解

明辨晰也

朱震漢上易傳引荀作顯

謙

天道下濟而光明

乾來之坤陰去爲离陽來成坎日月之象故光明

也

集解

君子以撝多益寡

釋文哀鄭荀董蜀本作撝

撝取也

釋文

初六謙謙君子用涉大川吉

初最在下爲謙二陰承陽亦爲謙故曰謙謙也二

陰一陽相與成體故曰君子也九三體坎故曰涉

大川吉也

集解

九三勞謙君子有終吉

豐次爲勞修下二陰君子有終故吉也

象曰勞謙君子萬民服也

陽當居五自卑下衆降居下體君有下國之意也

衆陰皆欲撝陽上居五位羣陰順陽故萬民服也

並同

上

六四无不利撝謙

四得位處正家性爲謙故无不利陰欲撝三使上

居五故曰撝謙撝猶舉也

集解

六五不富以其鄰

鄰謂四與上也自四以上乘陽乘陽失實故皆不
富五居中有體故總言之

利用侵伐无不利

謂陽利侵伐來上无敢不利之者

象曰利用侵伐征不服也

不服謂五也並同上

豫

朋盍宗釋文盍荀作宗

象曰冥豫在上何可長也

隨

陰性冥昧居尊在上而猶謙悅故不可長

集解

隨元亨利貞无咎

隨者震之歸魂震歸從巽故大通動爻得正故利

貞陽降陰升嫌於有咎動而得正故无咎

集解

蠱

蠱元亨而天下治也

蠱者巽也巽歸會震故元亨也蠱者事也備物致

用故天下治也

集解

六五幹父之蠱用譽

體和應中承陽有實用私幹事榮譽之道也

象曰不事王侯志可則也

年老事終不當其位體艮爲止故不事王侯據上

臨下重陰果實故志可則也

並同上

臨

至於八月

兌爲八月

集解虞翻引荀公

象曰澤上有地臨

澤卑地高高下相臨之象也

集解

初九咸臨貞吉象曰咸臨貞吉志行正也

陽始咸升以剛臨柔得其正位而居是吉故曰志行正

九二咸臨吉无不利象曰咸臨吉无不利順命也

陽感至二當升居五羣陰相承故无不利也陽當居五陰當順從今尙在二故曰未順命也

六四至臨无咎象曰至臨无咎位當也

四與二同功欲升二至四已得順承之故曰至臨

也陽雖未乘處位居正故得无咎是位當也

六五知臨大君之宜吉象曰大君之宜行中之謂也
五者帝位大君謂二也宜升上居王位吉故知臨
大君之宜也二者處中行升居五五亦處中故行
中之謂也

上六敦臨吉无咎

上應于三欲因三升二過應于陽敦厚之意故曰

敦臨吉无咎

並同上

觀

六三觀我生進退象曰觀我生進退未失道也

我謂五也生者教化生也三欲進觀于五四既在前而三故退未失道也

集解

噬嗑

六三噬箇肉遇毒小吝无咎

箇肉謂四也三以不正噬取異家法當遇罪故曰遇毒爲艮所止所欲不得故小吝所欲不得則免於罪故无咎矣

集解

九四噬乾肺

釋文肺子夏作肺
徐音甫荀董同

周易荀氏注

卷上

王姬媛館補校

四卷二十三

象曰貞厲无咎得當也

謂陰來正居是而厲陽也以陰厲陽正居其處而

无咎者以從下明上不失其中所言得當

集解

上九何校滅耳凶

爲五所何故曰何校據五應三欲盡滅坎三體坎

爲耳故曰滅耳凶上以不正侵欲无己奪取異家

惡積而不可弇罪大而不可解故宜凶矣

集解

賁

象曰賁亨柔來而文剛故亨分剛上而文柔故小利

有攸往

此本泰卦謂陰從上來居乾之中文飾剛道交於中和故亨也分乾之二居坤之上上飾柔道兼據二陰故小利有攸往矣

集解

六四賁如波如白馬翰如

釋文飾荀作波

翰高也

釋文引馬荀

六五賁于正園束帛菱菱咨終吉象曰六五之吉有喜也

艮山震林失其正位者山林之間賁飾上陵以爲

周易荀氏注

卷上

三

婦嬖館補校
四卷四十四

園國隱士之象也五爲王位體中履和勤賢之主
尊道之君也故曰賁于丘園束帛萎萎居臣失正
故吝能以中和飾上成功故終吉而有喜也

集解

剝

彖曰剝剝也柔變剛也

謂陰外變五五者至尊爲陰所變故曰剝也

集解

滅貞凶

釋文莫荀作滅

六三剝无咎

呂祖謙古易音訓晁氏曰剝之案京劉荀爽一行皆无之字

衆皆剝陽三獨應上无剝害意是以无咎彖曰失

解集

利有攸往剛長也復其見天地之心乎

利往居五剛道浸長也復者冬至之卦陽起初九
爲天地心萬物所始吉凶之先故曰見天地之心

解集

用行師終有大敗以其國君凶

坤爲衆故用行師也謂上行師而距於初陽息上
升必消羣陰故終有大敗國君謂初也受命復道

當從下升今上六行師王誅必加故以其國君凶

也集解

頤

自求口實

飲食失宜患之所起

史證口訣義

象曰山下有雷頤君子以慎言語節飲食

雷爲號令今在山中閉藏故慎言語雷動于上以

陽食陰艮以止之故節飲食也言出乎身加乎民

故慎言語所以養人也飲食不節殘食羣生故節

飲食所以養物

集解

其欲悠悠

釋文逐逐荀作悠悠

大過

老夫得其女妻

初陰失正當變數六爲女妻二陽失正數九爲老
夫以五陽得正不變數七爲士夫上陽得正數八

爲老婦

集解虞翻引荀公

習坎

水流而不盈

周易荀氏注卷上

陽動陰中故流陽陷陰中故不盈也

集解

行險而不失其信

謂陽來爲險而不失中中稱信也

集解

象曰求小得未出中也

處中而比初三未足爲援雖求小得未出於險中

集

解

高

集解引荀皆作高

陰麗於陽相附麗也亦爲別離以陰隔陽也高者火也託於木是其附麗也煙燄飛升炭灰降滯是

其別離也

集解

畜北牛吉

牛者土也生土于火南者陰卦北者陰性故曰畜

北牛吉矣

集解

明兩作

作用也

釋文

初九履錯然敬之无咎

火性炎上故初欲履錯於二二爲三所據故敬之

則无咎矣

集解

元三日吳之禹不鼓缶而歌則大耋之差凶

釋文嗟苟作差

嗟若亦爾

初爲日出二爲日中三爲日吳以喻君道衰也

集解

九四哀如其來如焚如死如棄如

陽升居五光炎宜揚故哀如也陰退居四灰炭降

陞故其來如也陰以不正居尊乘陽歷盡數終天

命所誅位喪民叛下齒所害故焚如也以齒入坎

故死如也火息灰指故棄如也

集解

六五出涕池若戚嗟若言

釋文訖尚作池

六五陰柔退居于西出离爲坎故出涕池羞而下
以順陰陽也

集解

周易荀氏注卷中

周易下經

咸

初六咸其拇

釋文拇荀作母集解本亦作母

母陰尊之位

釋文

六二咸其腓

釋文腓荀作肥

謂五也尊盛故稱肥

釋文

恒

恒亨无咎利貞久於其道也

恒震世也巽來乘之陰陽合會故通无咎長男在
上長女在下夫婦道正故利貞久於其道也

集解

利有攸往終則有始也
謂乾氣下終始復升上居四也坤氣下終始復降
下居初者也

九二悔亡象曰九二悔亡能久中也

乾爲久也能久行中和以陽據陰故曰能久中也
九三不恒其德或承之羞貞吝

與初同象欲據初隔二與五爲兌欲說之隔四意

无所定故不恒其德與上相應欲往承之爲陰所
乘故或承之羞也貞吝者謂正居其所不與陰通
也无居自容故貞吝矣

並同上

遯

小利貞浸而長也

陰稱小浸而長則將消陽故利貞居二與五相應

也

集解

有疾備也

釋文德荀作備

畜臣妾吉不可大事也

大事謂與五同任天下之政潛遜之世但可居家

畜養臣妾不可治國之大事

解集

大壯

羝羊觸藩羸其角

二與五同功爲兌故曰羊終始陽位故曰羝藩謂

四也三欲觸四而危之四反羸其角角謂五也

同上

晉

順而寵乎大明柔進而上行是以康侯用錫馬蕃庶

晝日三接也

陰進居五處用事之位陽中之陰侯之象也陰性
安靜故曰康侯馬謂四也五以下羣陰錫四也坤
爲眾故曰蕃庶矣

集解

六五悔亡矢得勿恤往吉无不利

五從坤動而來爲离者射出故曰矢得陰居尊
位故有悔也以中盛明光照四海故悔亡勿恤吉
無不利也

惟用伐邑道未光也

陽雖在上動入冥豫故道未光

並同上

明夷

丙文明而外柔順以蒙大難文王以之

釋文王肅云唯文王能用

之鄭荀向作以之下亦然

明在地下爲坤所蔽大難之象文王君臣相事故

言大難

集解

初九明夷于飛垂其翼君子于行三日不食有攸往

主人有言

火性炎上離爲飛鳥故曰于飛爲坤所抑故曰垂其翼陽爲君子三者陽德成也日以喻君不食者

不得食君祿也陽未居五陰暗在上初有明德恥食其祿故曰君子于行三日不食也

象曰君子于行義不食也

暗昧在上有明德者義不食祿也

六曰入于左腹獲明夷之心于出門庭

陽稱左謂九三也腹者謂五居坤坤爲腹也四得

位比三應于順首欲上三居五以陽爲腹心也故

曰入于左腹獲明夷之心言三當出門庭升五君

位

並同上

六五箕子之明夷

箕爲夢子爲滋

釋文箕子之明夷劉向云今易作

漫衍無經不可致詰以識荀爽

家人

家人有嚴君焉父母之謂也

商巽之中有乾坤故曰父母之謂也

集解

父父子子兄兄弟弟夫夫婦婦而家道正正家而天下定矣

父謂五子謂四兄謂三弟謂初夫謂五婦謂二也

各得其正故天下定矣

象曰風自火出家人君子以言有物而行有恒
風火相與必附於物物大火大物小火小君子之
言必因其位位大言大位小言小不在其位不謀
其政故言有物也大暑燥金火不增其烈大寒凝
冰火不損其熱故曰行有恒矣

初九閑有家悔亡象曰閑有家志未變也

初在潛位未干國政閑習家事而已未得治官故
悔居家理治可移於官守之以正故悔亡而未變

從國之事故曰志未變也

六二无攸遂在中饋貞吉

六二處和得正得正有應有應有實陰道之至美者也坤道順從故無所得遂供肴中饋酒食是議故曰中饋居中守正永貞其志則吉故曰貞吉也
並同上

九三家人確確釋文嘒嘒荀作確確

睽

柔進而上行得中而應乎剛是以小事吉

小事者臣事也百官異體四民殊業故睽而不同
剛者君也柔得其中而進于君故言小事吉也

象

象曰上火下澤睽君子以同而異

火性炎上澤性潤下故曰睽也大歸雖同小事當
異百官殊職四民異業文武並用威德相反共歸
于治故曰君子以同而異也

同上

六二見輿曳其牛觭

釋文輿
荀作觭

蹇

蹇利西南往得中也不利東北其道窮也

周易荀氏注

卷中

六 嬖嬖館補校

四卷三十四

西南謂坤乾動往居坤五故得中也東北艮也艮

在坎下見險而止故其道窮也

集解

當位貞吉以正國也

釋文正邦荀
本作正國

謂五當尊位正居是羣陰順從故能正邦國

集解

六四往蹇來連象曰往蹇來連當位實也

蹇難之世不安其所欲往之三不得承陽故曰往

蹇也來還承五則與至尊相連故曰來連也處正

承陽故曰當位實也

同上

解

解利西南往得衆也无所往其來復吉乃得中也有攸往夙吉往有功也

乾動之坤而得衆西南衆之象也陰處尊位陽无所往也來復居二處中成險故曰復吉也五位无君二陽又卑往居之者則吉據五解難故有功也

集解

天地解而雷雨作雷雨作而百果草木皆甲宅

謂乾爻通動而成解卦坎下震上故雷雨作也解者震世也仲春之月草木萌芽雷以動之雨以潤

之日以炬之故甲宅也

同上

九四解而母

釋文押
荀作母

損

彖曰損損下益上其道上行揖而有孚元吉无咎可

貞利有攸往

謂損乾之三居上乎二陰也居上據陰故元吉无

咎以未得位嫌於咎也少男在下少女雖年尚幼

必當相承故曰可貞陽利往居上損者損下益人

故利往居上

集解

易之用二簋可用享

二簋謂上體二陰也上爲宗廟簋者宗廟之器故

可享獻也

同上

君子以徵忿窒慾

案繫辭損德之脩也集解引有注慾作徵欲作慾

初九已事顯往

釋文遺荀作顯

六三三人行則損一人一人行則得其友象曰二人

行三則疑也

一陽在上則教令行三陽在下則民衆疑也

集解

夫

孚號有厲其危乃光也

信其號令於下象陽危去上六陽乃光明也

集解

告自邑不利卽戎所尙乃窮也

不利卽尙兵戎而與陽爭必困窮

九三壯於頄有凶君子夬夬獨行遇雨若濡有愠无

咎

九三體乾乾爲君子三五同功二爻俱欲決上故

曰君子夬夬也獨行謂一爻獨上與陰相應爲陰

所施故遇雨也雖爲陰所濡能愠不悅得无咎也

九五莧陸夬夬

莧謂五陸謂三兩爻決上故夬夬也莧者葉柔而
根堅且赤以言陰在上六也陸亦取葉柔根堅也
去陰遠故言陸言差堅於莧莧根小陸根大五體
兌柔居上莧也三體乾剛在下根深故謂之陸也
並同上

姤

天地相遇品物咸章也

謂乾成於巽而舍於离坤出於离與乾相遇南方

夏位萬物章明也

集解○朱震漢上易傳引云坤出於萬與乾和遇故萬物皆相

見也

九二胞有魚

釋文包有荀作胞

萃

彖曰萃聚也順以說剛中而應故聚也

謂五以剛居中羣陰順說而從之故能聚眾也

集解

利見大人取以正也

釋文聚以正荀作取以正

象曰澤上於地萃

澤者卑下流潦歸之萬物生焉故謂之萃也

集解

君子以慮戎器戒不虞

釋文除戎器荷作慮

上六齋資涕洟无咎象曰齋資涕洟未安上也

此本否卦上九陽爻見滅遷移喻夏桀殷紂以上六陰爻代之若夏之後封東樓公於杞殷之後封微子於宋去其骨肉臣服異姓受人封土未安居位故曰齋資涕洟未安上也

集解

升

巽而順剛中而應是以大亨

謂二以剛居中而來應五故能大亨上居尊位也

集解

用見大人勿恤有慶也

大人天子謂升居五見爲大人羣陰有主无所復憂而有慶也

象曰地中生木升

地謂坤木謂巽地中生木以微至著升之象也

初六允升大吉

謂一體相隨允然俱升初與巽一體升居坤上位尊得正故大吉也

九三升虛邑象曰升虛邑无所疑也

坤稱邑也五虛无君利二上居之故曰升虛邑无所疑也

六四王用亨于岐山吉无咎

此本升卦也巽升坤上據三成艮巽爲岐艮爲山王謂五也通有兩體位正衆服故吉也四能與衆陰退避當升者故无咎也

六五貞吉升階象曰貞吉升階大得志也

陰正居中爲陽作階使升居五已下降二與陽相

應故吉而得志也

上六冥升利于不息之貞象曰冥升在上消不富也
坤性暗昧今升在上故曰冥升也陰用事爲消陽
用事爲息陰正在上陽道不息陰之所利故曰利
于不息之貞陰升實實故消不富也並同上

困

象曰困剛弇也

謂二五爲陰所弇也

集解

險以說

此本否卦陽降爲險陰升爲說也

困而不失其所亨其唯君子乎

謂二雖奔陰陷險猶不失中與正陰合故通也喻君子雖陷險中不失中和之行也

貞大人吉以剛中也

謂五雖奔於陰近无所據遠无取應體剛得中正居五位則吉无咎也

有言不信尙口乃窮也

陰從二升上六成兌爲有言失中爲不信動而乘

陽故曰尚口乃窮也

初六啓困于林木入于幽谷三歲不覲象曰入于幽谷幽不明也

爲陰取奔故不明

九二困于酒食朱紱方來利用享祀征凶无咎

二升在廟五覲奉之故利用享祀陰動而上失中

乘陽陽下而陷爲陰取介故曰征凶陽降來三雖

位不正得中有實陰雖去中上得居正而皆免咎

故曰无咎也

並同上

九五 龍軌困于赤紱

釋文荀王肅本則則作龍軌

龍軌不安貌

釋文

利用祭祀受福也

謂五爻合同據國當位而主祭祀故受福也

集解

井

彖曰 巽乎水而上水井井養而不窮也

巽乎水謂陰下爲巽也而上水謂陽上爲坎也木

入水出井之象也

集解

改邑不改井乃以剛中也

剛得中故爲改邑柔不得中故爲不改井也

无喪无得

陰來居初有實爲无喪失中爲无得也

往來井井汔至亦未繙未有功也井羸其瓶是以凶也

此本泰卦陽往居五得坎爲井陰來在下亦爲井故曰往來井井也汔至者陰來居初下至汔竟也繙者所以出水通井道也今乃在初未得應五故未繙也繙者綆汲之具也井謂三瓶謂初初得應

五今爲二所拘羈故凶也

同上

九二井谷耶咢

釋文射荀作耶

九三井渫不食爲我心恻

去穢濁清潔之意也三者得正故曰井渫不得據

陰喻不得用故曰不食道旣不行故我心恻

集解

可用汲王明並受其福

謂五可用汲三則王道明而天下並受其福

六四井甃无咎

坎性下降嫌於從三能自脩正以甃輔五故无咎

也並同上

上六井甃勿羆

釋文井收荀作甃

革

六二已日乃革之征吉无咎

日以喻君也謂五已居位爲君二乃革意去三應五故曰已日乃革之上行應五去卑事尊故曰征吉无咎也

集解

九三征凶貞厲

三應於上欲往應之爲陰所乘故曰征凶貞厲

三而據二陰則五來危之故曰貞厲也

同上

鼎

三足形同以足爲異

董道廣川書跋卷一

彖曰鼎象也以木巽火亨飪也

震入離下中有乾象木火在外金在其內鼎鑊亨

飪之象也

集解

象曰木上有火鼎

木火相因金在其間調和五味所以養人鼎之象也

鼎顛趾未悖也

以陰承陽故未悖也並同上

震

震來愬愬釋文愬愬荀作愬愬

億喪貝釋文喪荀如字貝荀為音敗

九四震隊泥釋文遂泥荀本遂作隊

艮

初六艮其止釋文其趾荀作止

九三艮其限

限娶也

釋文引鄭荀虞同

列其腎

釋文黃荀作腎

互體有坎坎爲腎

釋文

厲動心

釋文薰荀作動

互體有震震爲動

釋文

漸

婦乘不育

釋文孕荀作乘

歸妹

六三歸妹以嬌

釋文以須荀陸作嬌

月既望

釋文月幾
荀作既

豐

日中則昃

豐者至盛故日中下居四日昃之象也

集解

象曰雷電皆至豐君子以折獄致刑

豐者陰據不正奪陽之位而行以豐故折獄致刑

以討除之也

同上

雖均無咎

釋文雖旬
荀作均

旅

彖曰旅小亨

謂陰升居五與陽通者也

集解

巽

象曰隨風巽君子以申命行事

巽爲號令兩巽相隨故申命也法教百端令行爲

上貴其必從故曰行事也

集解

初六進退利武人之貞象曰進退志疑也

風性動進退欲承五爲二所據故志以疑也

九二巽在牀下用史巫紛若吉无咎

牀下以喻近也二者軍帥三者號令故言牀下以明將之所專不過軍中事也史以書勳巫以告廟紛變若順也謂二以陽應陽君所不臣軍帥之象征伐既畢書勳告廟當變而順五則吉故曰用史巫紛若吉无咎矣

象曰紛若之吉得中也

謂二以處中和故能變

九三頻巽吝象曰頻巽之吝志窮也

乘陽無據爲陰所乘號令不行故志窮也

上九巽在牀下喪其資斧貞凶

軍罷師旋亦告於廟還斧於君故喪資斧正如其
故不執臣節則凶故曰喪其資斧貞凶

並同上

渙

王假有廟王乃在中也

謂陽來居二在坤之中爲立廟假大也言受命之
王居五大位上體之中上享天帝下立宗廟也

集解

象曰風行水上渙先王以享于帝立廟

謂受命之王收集散民上享天帝下立宗廟也陰

上至四承五爲享帝陽下至二爲立廟也商曰上
爲宗廟而謂天帝宗廟之神所配食者王者所奉
故繼於上至於宗廟其實在地地者陰中之陽有
似宗廟之神

六三渙其躬无悔象曰渙其躬志在外也

體中曰躬謂渙三使承上爲志在外故无悔

並同上

匪弟所思

釋文匪夷
苟作匪弟

節

上六苦節貞凶悔亡象曰苦節貞凶其道窮也

乘陽於上無應於下故其道窮也

集解

中孚

兩巽對合外實內虛

朱震漢上易叢說

初九虞吉有它不燕

虞安也初應於四宜自安虞无意於四則吉故曰

虞吉也四者乘五有它意於四則不安故曰有它

不燕也

集解

象曰初九虞吉志未變也

初位潛藏未得變而應四也

周易荀氏注

卷中

光緒館補校

四卷四十七

六三得敵或鼓或罷或泣或歌

三四俱陰故稱得也四得位有位故鼓而歌三失

位無實故罷而泣之也

並同上

六四月既望

釋文幾望荀作既

小過

彖曰小過小者過而亨也過以利貞與時行也

陰稱小謂四應初過二而去三應上過五而去三

處中見過不見應故曰小者過而亨也

集解

九四无咎弗過遇之往厲必戒勿用永貞

四往危五戒備於三故曰往厲必戒也勿長居四

當動上五故用永貞

同上

既濟

彖曰既濟亨小者亨也

天地既交陽升陰降故小者亨也

集解

象曰水在火上既濟君子以思患而豫防之

六爻既正必當復亂故君子象之思患而豫防之

治不忘亂也

同上

六二婦喪其袂

釋文其弗荀作紱

上六濡其首厲象曰濡其首厲何可久也

居上濡五處高居盛必當復危故曰何可久也

集解

未濟

彖曰未濟亨柔得中也

柔上居五與陽合同故亨也

集解

雖不當位剛柔應也

雖剛柔相應而不以正猶未能濟也

六三未濟征凶利涉大川

未濟者未成也女在外男在內婚姻未成征上從

四則凶利下從坎故利涉大川矣

並同上

周易荀氏注卷下

繫辭上

天尊地卑乾坤定矣

謂否卦也否七月萬物已成乾坤各得其位定矣

集解

卑高以陳貴賤位矣

謂泰卦也

乾道成男坤道成女

男謂乾初適坤爲震二適坤爲坎三適坤爲艮以

成三男也女謂坤初適乾爲巽二適乾爲離三適

乾爲兌以成三女也

並同上

乾知大始坤作成物

始謂乾稟元氣萬物資始也物謂坤任育體萬物

資生也

集解上句引九家易下句引荀爽案九家以荀爲主二句辭義一例據補

乾以易知

易音亦

釋文引鄭荀董

有親則可久有功則可大

陰陽相親雜而不厭故可久也萬物生息種類繁

滋故可久也

集解

天下之理得而易成位乎其中矣

陽位成於五五爲上中陰位成於二二爲下中故
易成位乎其中也

聖人設卦觀象繫辭焉而明吉凶

因得明吉因失明凶也

悔吝者憂虞之象也

憂虞小疵故悔吝也

變化者進退之象也

周易荀氏生

卷下

二如館補校

春夏爲變秋冬爲化息卦爲進消卦爲退也

剛柔者晝夜之象也

剛爲乾柔爲坤乾爲晝坤爲夜晝以喻君夜以喻

臣也

並同上

故能彌綸天下之道

彌終也綸迹也

釋文

仰以觀於天文俯以察於地理

謂陰升之陽則成天之文也陽降之陰則成地之

理也

集解

是故知幽明之故

幽謂天上地下不可得覩者也謂否卦變成未濟也明謂天地之間萬物陳列著於耳目者謂泰卦變成既濟也

知周乎萬物

二篇之冊萬有一千五百二十當萬物之數故曰知周乎萬物也

樂天知命故不憂

坤建於亥乾立於巳陰陽孤絕其法宜憂坤下有

伏乾爲樂天乾下有伏巽爲知命陰陽合居故不憂

安土敦乎仁故能愛

安土謂否卦乾坤相據故安土敦仁謂泰卦天氣下降以生萬物故敦仁生息萬物故謂之愛也曲成萬物而不遺

謂二篇之冊曲成萬物无遺失也

並同上

通乎晝夜之道而知

知音智釋文

晝者謂乾夜者謂坤也通於晝夜之道無所不知

也

集解

盛德大業至矣哉

盛德者天大業者地也

生生之謂易

陰陽相易轉相生也

廣大配天地

陰廣陽大配天地

陰陽之義配日月

謂乾舍於离配日而居坤舍於坎配月而居之義

是也

易簡之善配至德

乾德至健坤德至順乾坤簡易相配於天地故易

簡之善配至德

並同上

言天下之至嘖而不可亞也

釋文惡也尚作亞

亞次也

釋文

言行君子之樞機

艮爲門故曰樞震爲動故曰機也

集解

凡天地之數五十有五此所以成變化而行鬼神也

在天爲變在地爲化在地爲鬼在天曰神
乾之冊二百一十有六坤之冊百四十有四

陽爻之冊三十有六乾六爻皆陽三六一百八十
六六三十六合二百一十有六也陽爻九合四時
四九三十六是其義也陰爻之冊二十有四坤六
爻皆陰二六一百二十四六二十四合一百四十
有四也陰爻六合二十四氣四六二百四十也
是故四營而成易十有八變而成卦

營者謂七八九六也二揲冊掛左手一指問三指

間滿而成一爻又六爻三六一十八故十有八變

而成卦也並同上

是故可與酬酢可與侑神矣釋文神苟作侑

以制器者尙其象

結繩而爲罔罟蓋取諸离此類是也集解

夫易聖人之所以極深而研幾也

謂伏羲畫卦窮極易幽深文王繫辭研盡易幾微

者也同上

六爻之義易以功釋文貢指作功

聖人以此先心

釋文洗心京荀虞
董張蜀才作先

以神明其德夫

釋文荀虞
顧絕句

往來不窮謂之通

謂一冬一夏陰陽相變易也十二消息陰陽往來

无窮已故通也

集解

見乃謂之象形乃謂之器

謂日月星辰光見在天而成象也萬物生長在地

成形可以爲器者也

制而用之謂之法

謂觀象於天觀形於地制而用之可以爲法

吉凶生大業

一消一息萬物豐殖富有之謂大業

變通莫大乎四時

四時相變終而復始也

天垂象見吉凶聖人象之

謂在璇璣玉衡以齊七政也

鼓之舞之以盡神

鼓者動也舞者行也謂三百八十四爻動行相反

其卦所以盡易之神也

乾坤毀則無以見易

毀乾坤之體則無以見陰陽之交易也

神而明之存乎其人

苟非其人道不虛行也

並同上

繫辭下

日月之道貞明者也

离爲日日中之時正當离位然後明也月者坎也
坎正位衝离衝爲十五日月當日衝正值坎位亦

大圓明故曰日月之道貞明者也言日月正當其

位乃大明也

集解

功業見乎變

陰陽相變功業乃成者也

理財正辭禁民爲非曰義

尊卑貴賤衣食有差謂之理財名實相應萬事得

正謂之正辭咸得其宜故謂之義也

並同上

仰則觀象於天

震巽爲雷風離坎爲日月也

集解

俯則觀法於地

艮兌為山澤也

集解引九家易據補

觀鳥獸之文與羣之宜

乾為馬坤為牛震為龍巽為雞之屬是也

集解

近取諸身

乾為首坤為腹震為足巽為股也

遠取諸物

乾為金玉坤為布釜之類是也

於是始作八卦以通神明之德

周易荀氏注卷下

八鄰嚴館補校

乾坤爲天地离坎爲日月震巽爲雷風艮兌爲山
澤此皆神明之德也

往者誦也來者信也

陰氣往則萬物誦者也陽氣來則萬物信者也
尺蠖之誦以求信也

以喻陰陽氣屈以求信也

過此以往未之或知也

出乾之外无有知之

並同上

存而不忘亡

謂慮戎器戒不虞也

集解引作除戎器雖文除荀作慮此注亦當作慮據改

泊而不忘亂

謂思患而逆防之

集解

易曰其亡其亡

存不忘亡也

繫于包桑

桑者上元下黃乾坤相包以正故不可忘也

萬夫之望

聖人作而萬物視

子曰乾坤其易之門邪乾陽物也坤陰物也

陰陽相易出於乾坤故曰門陽物天陰物地也

損德之脩也益德之裕也

徵忿望慾所以脩德見善則遷有過則改德之優裕也

謙尊而光

自上下下其道大光也

恒雜而不厭

夫婦雖錯居不厭之道也

益以興利

天施地生其益无方故興利也

易之爲書也廣大悉備

以陰易陽謂之廣以陽易陰謂之大易與天地準
固悉備也

定天下之吉凶成天下之亹亹者

亹亹者陰陽之微可成可敗也順時者成逆時者
敗也

將叛者其辭慙

謂屯六三往吝之屬也

中心疑者其辭枝

或從王事无成之屬也

躁人之辭多

謂睽上九之屬也

誣善之人其辭澹

游豫之屬也

失其守者其辭誦

謂泰上六城復于隍之屬也

並同上

說卦傳

幽贊於神明而生蓍

幽隱也神者在天明者在地神以夜光明以晝照
蓍者冊也謂陽爻之冊三十有六陰爻之冊二十
有四二篇之冊萬有一千五百二十上配列宿下
副物數生蓍者謂蓍從爻中生也

集解

雷以動之

謂建卯之月震卦用事天地和合萬物萌動也
風以散之

周易荀氏注卷下

十二經集解補校
四卷六十一

謂建巳之月萬物上達布散四野

雨以潤之

謂建子之月含育萌芽也

日以烜之

烜休
達反

謂建午之月太陽欲長者也

艮以止之

謂建丑之月消息必止也

兌以說之

謂建酉之月萬物成熟也

乾以君之

謂建亥之月乾坤合居君臣位得也並同上

坤以藏之

謂建申之月坤在乾下包藏萬物也案集解自雷以動之至乾

以君之並引荀義獨此句引九家易語義與前不異族補

為柴馬

釋文疲京荀作柴

多筋幹

釋文

為未足

釋文鼻京作未范同

陽在下

釋文

爲長女

柔在初集解

爲工

以繩木故爲工

爲進退

風行无常故爲進退並同上

爲矯橈

釋文橈苟作橈

爲極心

釋文亟苟作極

極中也釋文

爲下首

水之流首卑下也

集解

爲汨

陽外光也

爲中女

柔在中也

並同上

序卦傳

盈天地之間者唯萬物故受之以屯屯者盈也

謂陽動在下造生萬物於冥昧之中也

集解

物穉不可不養也故受之以需需者飲食之道也

坎在乾上中有商象水火交和故爲飲食之道

履然後安故受之以泰泰者通也

李鼎祚曰今本履而泰衍而泰二字

謂乾來下降以陽通陰也

有事然後可大故受之以臨臨者大也

陽稱大謂二陽動升故曰大也

致飾而後亨則盡矣故受之以剝剝者剝也

極飾反素文章敗故爲剝也

有无妄然後可畜故受之以大畜

物不妄者謂之大也畜積不敗故大畜也

並同

雜卦傳

臨觀之義或與或求

臨者教思无穷故為與觀者觀民設教故為求

集解

明夷誅也

誅滅也

釋文

大有終也

釋文

豐多故親

絕句

寡旅也

釋文

荀本豐多故親